

Sentralbord: 55 21 33 00
Telefaks: 55 21 33 01
Red. e. kl. 16.00: 55 21 33 13

Bontelabo 2, 2. etasje
N-5003 Bergen

Tromsø:
Telefon: 77 66 56 80
Telefaks: 77 66 56 90

Bodø:
Telefon: 75 54 49 21
Telefax: 75 54 49 27

Ålesund:
Telefon: 70 15 65 45
Telefaks: 70 15 65 47

Leknes i Lofoten:
Telefon: 76 08 24 90
Telefax: 76 08 27 06

Bø i Vesterålen
Telefon: 76 13 55 15
Telefax: 76 13 55 16

redaksjonen@fiskaren.no
annonse@fiskaren.no
abonnement@fiskaren.no

Skal kartlegge det engelske «Atlantis»

Bergen: Kring 15 mil nord for London, i grevskapet Suffolk, ligg den vesle landsbyen Dunwich. Og på grunna rett utanfor stranda der, ligg restane av ein travel hamneby som på 1400-talet var like stor som London, fortel forskning.no. For 1500 år sidan var Dunwich hovudstad i East Anglia. Nedgangstidene byrja i året

1286 då ei flodbølge råka kysten. Brenningar frå Nordsjøen har seinare gnaga på lausmassene og har ete seg to kilometer innover den engelske austkysten.

Sjølv om sjøen er grunn her, er det vanskeleg å dykke. Sikten er lik null på grunn av ureint vatn. Og sterke undervassstraumar og mange gamle

fiskegarn og tauverk gjer plassen til eit mareritt for dykkarar. Så når vitskapsfolk frå universitetet i Sothampton no skal leite etter denne Engelslands «Atlantis», tek dei i bruk sonar, fortel forskingsleiar Davis Sear.

Forskarane reknar ikkje med å finne heile bygningar der nede under vassyta, berre

steinblokker. Restane av middelalderbyen vart oppdaga i 1970 av dykkaren Stuart Bacon. Det han skimta på havbotnen og gamle kart har fått forskarane til å tru at det finst restar av minst to kyrkjer og eit kloster på havbotnen ved Dunwich.

Kartlegginga av ruinane vil ta til denne sommaren.



KRILLJAKT: Nick Guy og Roger Munns (t.h.) jaktar krill med kamera om bord i G. O. Sars. Førebels har dei ikkje sett anna enn flott natur, sel og reinsdyr!

FOTO: HI

BBC er på krilljakt

Bergen: Fotografar frå BBC er i desse dagar med «G. O. Sars» i Sørishavet. Her skal dei filme krill med undervasskamera. Så langt har resultatet vore magert.

Helge Arild Bolstad
helge.bolstad@fiskaren.no

Oppgåva til fotografane Roger Munns og Nick Guy er ikkje av det nett daglegdagse slaget. Dei skal ikkje berre filme krillen, men aller helst medan den vert angripen av dyr og fisk som lever av den slags mat.

«Proffe» journalistar – Det er ei stor utfordring Munns og Guy står overfor.

Ifølgje forskarane om bord skal mykje klaffe før dette går i boks, rapporterer Kjartan Mæstad, kommunikasjonsrådgjevar ved HI, frå G. O: Sars.

Nett no ligg forskingsfartøyet og set i stand ekkolodd og sonar i ein fjord på Sør-Georgia, og det er lite sannsynleg at fotografane finn krill i desse fjordarmene, fortel Mæstad.

Fuglar viser veg
Men dette er «proffe» journalistar. – Ser me ikkje etter, får me i alle fall ikkje bilete, forklarar Munns før dei går ned i sjøen med undervasskamera sine.

Dei er elles godt budde på korleis dei kan finne det dei ser etter.

– Me speidar etter dei fuglar som me har lærd oss lever av krill. Ifølgje dei to britane skal det vere dårleg med bilete av levande krill. BBC ønskjer seg såne bilete til ei storsatsing som har fått namnet Life (Liv). Programserien skal først sendast om eit par år.

Men teikn til krill har det vore lite av ved Sør-Georgia så langt. Derimot er det flust med sel. Så dei to fotografane brukar tida til å filme selen i leik i sjøen og inne på land. Inne i ei bukt er det jamvel

nokre reinsdyr som går og beitar mellom selane.

Det var norske kvalfangarar som tok med seg ein liten flokk reinsdyr til Sør-Georgia den tid det var kvalstasjon her. Dette har no utvikla seg til ein bestand på kring 3.000 dyr, fortel Kjartan Mæstad.

Lever i håpet

Dei to britane over seg elles kvar dag i sjøen. Dei treng slike gjennomkøyringar, og kanskje, kanskje finn dei krillen, óg. For dei veit godt at det kan bli vanskeleg å få gode bilete seinare. Dei er heilt avhengig av at det let seg gjere å setje ut MOB-båten på det opne havet. Det kan medføre store problem i Sørishavet, det er dei to innforståtte med.

– Me lever i håpet, konstaterer Munns og Guy.

25 år:

Fylkesmannen i Finnmark har i et brev uttrykt stor misnøye med Fiskeridepartementets forvaltning av kystsel. Fylkesmannen ber Miljøverndepartementet ta over ansvaret for jakt og fredningsbestemmelser for kystselen.

Fiskaren 25. jan. 1983

plukkfisk:

Den kvinnelege

- Sjå her, sa Olga stolt og viste fram eit bilete av seg sjølv på mor sin arm. - Slik såg eg ut for 30 år sidan. - Fantastisk, repliserte Elsa. - Og kven sitt barn er det du held på armen!

Den giftige

Butikkeigaren som hadde vore ungar i mange år, gifta seg brått og ved det høvet hengde han opp ein plakat på butikkdøra: «Stengd i dag på grunn av giftarmål». Då han møtte fram i butikken morgonen etter hadde nokon hengt opp ein annan plakat: «Opnar i morgon under ny leing!»

Den vonde

Pasient til tannlegen etter at han hadde kome ut or stolen: - Dette vil nok gjere ein smule vondt. Eg kan ikkje betale rekninga!

Den forsettlege

- På nyårskvelden lova eg kona at eg aldri skulle vedde om noko som helst dette året. - Det greier du aldri å halde. - Jasså. Skal me vedde?!

Den begravde

- Jeg hørte at den ti år gamle krangelen melom Pettersen og Olsen endelig er slutt. Har de begravd stridsøksa? - Nei, de har begravd pettersen!

Den gastronome

- Nå kan du ta bildekket ut av ovnen skatten min. Gjestene husket plutselig på at de hadde en middagsavtale et helt annet sted!